

- 89 skoðunargjörð og virðingargjörð, að hún sje vel af hendi leyst í alla staði, og að
18. júlí verðmunurinn á hinum þannig umbættu húsum og húsum þeim, sem presturinn auk þessa á að skila af sjer, nemi að minnsta kosti lánsupphæðinni.

Þetta er stiptsyfirvöldunum hjer með þjónustusamlega tjáð til þóknanlegrar leiðbeiningar og frekari ráðstöfunar.

- 90 Brjef landshöfðingja til sýslumannsins í Suðurmúlasýslu um lögskráning
24. júlí vinnumanna skipseigenda. — Út af fyrirspurn yðar, herra sýslumaður, í þóknanlegu brjefi, dags. 16. f. m. um það, hvort einnig beri að nota viðskiptabækur farmanna og skigshafnarskrár, þar sem maðurinn, er skipið á, notar á það menn, sem eru ráðnir árs-
menn hjá honum, og skipið aðeins fer smáferðir milli fjarða, skal yður hjer með þjón-
ustusamlega tjáð, yður til leiðbeiningar, að með því að sú skylda, að láta lögskrá skips-
höfn, hvílir ekki á skipseiganda sem slíkum, heldur á hverjum þeim skipstjóra, sem
ræður menn á skip með sjer hjer á landi, og lögin aðeins fyrirskipa, að skipstjóri fái
skipverjum viðskiptabækur, þegar hann ræður þá á skip með sjer og gjörir við þá vist-
ráðasamning, þá leiðir af þessu, að ef skipseigandi notar *eingöngu* ráðna ársvinnumenn
sína til að fara með sjer smáferðir á skipi milli fjarða, svo að alls engin sjerstök vist-
ráð af hálfu skipstjóra fara fram til ferðanna, og engir sjerstakir samningar eru gjörðir
þar að lútandi, er veiti vinnumönnum rjettindi fram yfir hinn almenna vistsamning,
þá getur ekki komið til neinnar lögskráningar eða nein ástæða verið til að fá vinnu-
mönnum sjerstakar viðskiptabækur, enda geta þeir naumast talizt sjómenn eða far-
menn, þó að þeim meðal annara verka sje fengin slík vinna, sem að ofan ræðir um.

- 91 Brjef landshöfðingja til amtmannsins í norður- og austuramtinu um flutning
29. júlí á þingstað Vallahrepps. — Með þóknanlegu brjefi, dags. 2. maí þ. á., hafið þjer, herra
amtmaður, sent mjer beiðni hreppsnefndarinnar í Vallahreppi, ásamt ágrípsendurriti af
fundargjörðum sýslunefndarinnar í Eyjafjarðarsýslu 12. marz þ. á., þar sem farið er
fram á, að þingstaður hreppsins megi flytjast frá Völlum að Tungufelli, og að hreppur-
inn nefnist eptirleiðis Svarfaðardalshreppur, þegar breytingin er komin í kring, og hafið
þjer lagt það til, að hið umbeðna leyfi verði veitt.

Út af þessu skal yður hjer með þjónustusamlega tjáð til þóknanlegrar leiðbein-
ingar og frekari birtingar, að jeg fellst á tillögu yðar í þessu efni, og ber hreppsnefnd-
inni að sjá um, að jafnan sje sémilegt hús til þinghaldanna á hinum nýja þingstað.

- 92 Brjef landshöfðingja til amtmannsins í norður- og austuramtinu um borgun
30. júlí fyrir uppboð á eptirlátum munum sveitarómaga. — Þjer hafið, herra amtmaður, með
þóknanlegu brjefi, dags. 14. maí þ. á., sent mjer fyrirspurn hreppstjórans í Glæsibæjar-
hreppi um það, hvort hreppstjórar sjeu skyldir til að halda uppboð á eptirlátum mun-
um sveitarómaga endurgjaldslaust, er sýslumaðurinn í Eyjafjarðarsýslu með skírskotun
til kancellibrjefs 14. desbr. 1841 hefur greitt jákvæði við, að því viðbættu, að hrepps-
nefndirnar sjálfar geti haldið uppboð þessi, og hafið þjer tekið fram, að eptir yðar álit

geti ákvæði nefnds kancellibrjefs ekkert gildi haft gagnvart beinum ákvæðum laga 13. 92
 jan. 1882, er undantekningarlaust ákveða hreppstjórum laun fyrir smáuppbod þau, er 30. júlí
 heimilt er að láta þá halda, en hitt sje heimildarlaust, að hreppsnefndir sjeu uppboðs-
 haldarar í nokkrum tilfellum.

Ut af þessu skal yður hjer með þjónustusamlega tjáð, að jeg er samdóma yður
 um það, sem þjer þannig hafið tekið fram, og ber því að svara fyrirspyrjanda, að hrepp-
 stjórum beri eins laun fyrir uppboð á eptirlátnum munum sveitarómaga eins og önnur
 smáuppbod, er þeir halda samkvæmt 6. gr. í lögum 13. jan. 1882.

Brjef landshöfðingja til amtmannsins í norður- og austuramtinu um bústað 93
 læknisins í 12. læknishjaraði. — Með brjefi dags. 8. maí þ. á., hefur sýslumaðurinn í 1. ágúst
 Þingeyjarsýslu sent mjer bænaskrá frá 35 bændum og húsráðendum í Þingeyjarsýslu
 um það, að læknissetrið í 12. læknishjaraði verði framvegis ákveðið við «Staðina» (Grenj-
 aðarstað og Múla) eða í Aðaldalnum í staðinn fyrir á Húsavík, og fylgdu beiðni þessari
 staðfestir útdrættir úr sýslufundargjörðum nefndanna í Suður- og Norðurþingeyjarsýslu,
 svo og álitsskjal hjeraðslæknisins í 12. læknishjaraði um hinn umbeðna flutning, er hann
 virðist heldur vera meðmæltur. Landlæknirinn, er kvaddur var álits síns um mál þetta,
 hefur í brjefi dags. 29. júní látið í ljósi, að eins og 12. læknishjarað nú er takmarkað, eptir að
 aukalæknir hefur verið skipaður austan jökulsár, hljóti hann að álíta hagkvæmara fyrir tals-
 verðan meiri hluta af íbúum læknisumdæmisins, að læknirinn hafi aðsetur nálægt hin-
 um svonefndu «Stöðum» heldur en á Húsavík, og með því að hann telur þann hag
 vissari og meiri heldur en það gagn, sem læknirinn, ef svo kynni undir að bera, gæti
 gjört við «karantæne» etc. á Húsavík, hefur hann mælt með því, að læknissetrið verði
 fært eins og farið er fram á í bænarskránni.

Með því að jeg er samdóma ástæðum landlæknis og bænaskráin virðist
 eiga við rök að styðjast, skal hjermeð skipað svo fyrir, að hjeraðslæknirinn í 12. lækn-
 ishjaraði frá næstkomandi fardögum að telja eða svo fljótt, sem hann getur komið því
 við fyrir þann tíma, hafi aðsetur sitt í Aðalreykjadal, svo nálægt miðbiki sveitarinnar
 sem viðunanlegt jarðnæði getur fengizt.

Reikningur

94

Nemendasjóds Möðruvallaskóla 1890.

Tekjur:		kr. a.
Seldar bækur «Lestrarfjeldags Möðruvallaskóla»		176 10
Ágóði af tombólu		174 62
Áheiti		2 00
Gjafir og tillög		152 00
Samtals:		504 72

Gjöld:

Lagt í sparisjóð Arnarneshrepps 504 72

Möðruvöllum í Hörgárdal, 2. jan. 1891.

Jón A. Hjaltalín. Stefán Stefánsson. Halldór Briem.